



Cumün da Valsot

Tel. +41 (0)81 861 00 60 • Fax +41 (0)81 861 00 61 • info@valsot.ch • www.valsot.ch

Poz 86 • CH-7556 Ramosch

Affischa

Suprastanza cumünala dals 16.12.2019

Presidi: Peer-Puorger Victor
Participant/s: Mayer-Schlegel Armon
Caviezel-Domenig Ursina
Kirchen-Werro Armon
Riatsch-Fedi Fadri
S-chüsà:
Protocol: Oswald Gian Claudio
Fabrica: Paulmichl-Rodigari Albin
Giast/s:

tractandas	tema	responsabel
1	0120 Executiva Acconsentimaint protocol	tuots
2	0220 Uffizi da fabrica Dum. da fabrica no. 052/2019, stalla movibla provisorica per chavagls, Schweizer Arthur, parcella no. 11145, Quadra Secha 87A, 7556 Ramosch	vp/ap
3	0220 Uffizi da fabrica Dum. da fabrica no. 055/2019, ingrondimaint da la stalla e dal tablà per vachas mammas (sbodada tschuffas e suosts existents), Rainolter-Heer Gian Andri und Heer Rainolter Martina, parcella no. 7209, Poz 1-98, 7559 Tschlin	vp/ap
4	7900 Planisaziun dal territori Dret da fabrica accessori Ischla Rov Contrat da dret da fabrica accessori tanter l'Alfred Laurent AG e la Rusena-Betun SA	vp
5	9630 Stabels da la facultà da finanzas Vendita da la chasa da scoula Tschlin Tscherna dals commembers da la cumischiun	fr/ak
6	1620 Defaisa civila generala Cumischiun da catastrofas Elecziun d'ün commember nouv	vp/ap

0120 Executiva

Orientaziuns

7

tuots

0120 Executiva

Varia (suprastanza cumünala)

8

tuots

0120 Executiva

153 Acconsentimaint protocol

Il protocol da la sezzüda dals 3 da december 2019 vegn approvà.

0220 Uffizi da fabrica

154 Dum. da fabrica no. 052/2019, stalla movibla provisorica per chavagls, Schweizer Arthur, parcella no. 11145, Quadra Secha 87A, 7556 Ramosch

A chaschun da la sezzüda dal's 28 november 2019, vaiva la direcziun decis da spettar cha l'uffizi d'agricultura e geoinfuormaziun haja dat l'acconsentimaint per pudair conceder il premiss per üna construcziun movibla sco stalla per chavagls. Il manader tecnic ha gnü contact cun quel uffizi. Davart da lur uffizi nu vain protramiss plü nöglia al petent. Tenor lur charta s'ha quel da's tgnair vi da las pretaisas fattas.

In conseguenza da quai decida la suprastanza da conceder il premiss da fabrica a temp temporar per üna construcziun movibla sco stalla per chavagls. Fin il plü tard ils 30 da gün 2020 ha la construcziun da gnir allontanada cumplettamaing. Our da motivs cha'l petent ha piazzà la construcziun movibla avant co avair survgni il premiss davart il cumün decida la suprastanza da chastiar quist fat cun üna multa.

0220 Uffizi da fabrica

155 Dum. da fabrica no. 055/2019, ingrondimaint da la stalla e dal tablà per vachas mammas (sbodada tschuffas e suosts existents), Rainolter-Heer Gian Andri und Heer Rainolter Martina, parcella no. 7209, Poz 1-98, 7559 Tschlin

Il petent ha inoltrà la dumonda per ingrondir la stalla existenta e per far adattamaints vi da quella. In conseguenza da l'ingrondimaint vegnan sbodadas tschuffas e suosts existents, cun exepziun da la stalla da giallinas. L'ingrondimaint da la stalla cumpiglia daplù piazzas per vachas mammas, ün ingrondimaint e nouv scumpart da fain e strom, ün ingrondimaint da la foura da zocca e quella d'aldüm, la realisaziun d'üna remissa il stabilimaint da stalla e da construir üna piazza adattada per plazzar ballas da silo. Il petent ha finigà fat sclerimaints preliminars pro'ls uffizis chantunals. Las posiziuns da quellas varts sun positivas.

La suprastanza va d'accord cul intent e decida d'inviar il proceder dal BAB.

7900 Planisaziun dal territori

156 Dret da fabrica accessori Ischla Rov

Contrat da dret da fabrica accessori tanter l'Alfred Laurent AG e la Rusena-Betun SA

Nos cusgliader giuridic ha redigi ün contrat da dret da fabrica accessori (Unterbaurecht) tanter las dittas surnomnadas. Quist contrat pertocca üna part da la surfatscha dal dret da fabrica numer 5000 i'l territori Ischla Rov chi ais reglà in ün contrat tanter il cumün e la ditta Alfred Laurent AG. La suprastanza ais perincletta cul cuntgnü dal contrat e til sancziunescha. Quel das-cha gnir documentà ed executà.

9630 Stabels da la facultà da finanzas

157 Vendita da la chasa da scoula Tschlin

Tscherna dals commembers da la cumischiun

A chaschun da sia'ultima sazzüda vaiva la suprastanza decis da surdar ad Armon Kirchen, chi suprastà al dicasteri da scoula, ed a Fadri Riatsch chi segna respunsabel pel dicasteri da planisaziun e stabilimains publics, la lezcha da cumpuoner üna cumischiun chi s'occupa da la sfida in connex cul avegnir da la chasa da scoula a Tschlin. Els propuonan a la suprastanza d'eleger ad Angelo Andina e Duri Janett sco ulteriurs commembers da quella cumischiun.

La suprastanza va d'accord cullas propostas e tscherna ils candidats proponüts sco commembers da quella.

1620 Defaisa civila generala

158 Cumischiun da catastrofes

Elecziun d'ün commember nouv

Sco rimplazzant per Marco Fallet illa cumischiun da catastrofes propuona la direcziun d'eleger a Mario Denoth sco nouv commember. El dispuona sur da cugnuschentschas necessarias ed es domicilià in üna fracziun da nos cumün. A quella fan part eir il capo sco president, ed il manader tecnic sco commember.

La suprastanza va d'accord culla proposta ed elegia a Mario Denoth sco nouv commember da la cumischiun da catastrofes.

0120 Executiva

159 OrientaziunsCussagl da scoula

Armon Kirchen orientescha, cha a chaschun d'üna sezzüda s'ha il cussagl da scoula constitui da nouv pel on 2020. Flurin Nef ais gnü elet sco nouv pressident da quel a partir dals 1 da schner 2020.

Avegnir butia Ramosch

Sco rapreschantant da la gruppa da lavur chi s'ha confuondüda cul avegnir da la butia a Ramosch orientescha Fadri Riatsch, cha la gruppa haja tschernü üna manadra da gestiun per la butia. La tscherna ais croudada sün Wanda Hopman. Sün che termin ch'ella surpiglia il manaschi nun ais amo sgür, els as rechattan in tratattivas cun Anton Häfner. El e sia duonna füssan forsa prunts da manar inavant la butia, fin cur cha Wanda Hopman pudess surtour quella lezcha. Tanteraint sun amo previsas lavurs per modernisar l'aspet e la vart tecnica dals indrizs.

0120 Executiva

160 Varia (suprastanza cumünala)Sezzüdas da suprastanza

Armon Mayer ais da l'opiniun cha la suprastanza survain la documainta per la prosma sezzüda massa tard. La documainta stuvesch gnir plü ad ura obain cha la sazzüda ha da gnir spostada. Per as preparar optimalmaing sülla sezzüda ais necessari d'avair las actas plü ad ura.

7556 Ramosch, 18.12.2019



Il capo:

Il manader administraziun: